



Broj: 03-1-02-1-586-2/18 DGL

Datum: 09.07.2018. godine

KANTON SARAJEVO
SKUPŠTINA KANTONA SARAJEVO
N/R PREDSEDAVAJUĆE SKUPŠTINE
Reisa Džemaludina Čauševića br.1
71000 Sarajevo

PREDMET: Pravilnik o izboru, imenovanju i razrješenju direktora osnovnih škola Kantona Sarajevo, Mišljenje, dostavlja se

VEZA: Vaš akt broj: 01-05-20193/18 od 08.05.2018. godine

Agencija za zaštitu ličnih podataka u Bosni i Hercegovini (u daljem tekstu: Agencija) zaprimila je 30.05.2018. godine, vaš akt veze kojim tražite odgovor na zastupničko pitanje Hamede Aljovića da li je član 3. stav (2) tačka d) Pravilnika o izboru, imenovanju i razrješenju direktora osnovnih škola Kantona Sarajevo broj: 11-02-31830/18, a kojim se traži da se dokumentacija kandidata koji ispunjavaju uslove za direktora dostavi ministru, načelniku, predsjedniku vijeća roditelja i sindikalnom povjereniku, u skladu sa Zakonom o zaštiti ličnih podataka.

U vezi sa naprijed navedenim, na osnovu člana 40. stav (2) tačka g) Zakona o zaštiti ličnih podataka ("Službeni glasnik BiH", broj: 49/06, 76/11 i 89/11), dajemo sljedeće:

MIŠLJENJE

Nadležnosti i ovlašćenja Agencije propisana su članom 40. Zakona o zaštiti ličnih podataka (u daljem tekstu: Zakon). Prema odredbama navedenog člana Zakona, Agencija je između ostalog, nadležna za davanje prijedloga za usvajanje ili izmjenu zakona koji se odnose na obradu ličnih podataka, te davanje mišljenja s prijedlozima tih zakona.

Generalno, kada se radi o propisivanju obrade ličnih podataka podzakonskim aktom, to podrazumijeva postojanje adekvatnog zakonskog osnova za donošenje tog propisa te da je obrada ličnih podataka neophodna u svrhu ostvarivanja legitimnih ciljeva i bez proizvoljnog miješanja u prava nosilaca podataka.

U članu 4. Zakona propisani su osnovni principi obrade ličnih podataka kojih su obavezni da se pridržavaju svi kontrolori u postupku obrade ličnih podataka. Jedan od principa obrade ličnih podataka je princip pravičnosti i zakonitosti, propisan u tački a) navedenog člana, koji podrazumijeva obradu ličnih podataka na osnovu zakonskog propisa koji se primjenjuje u određenoj oblasti i da je obrada neophodna za ostvarivanje svrhe koja se želi postići.

Dakle, zakonski propis predstavlja pravni osnov za obradu ličnih podataka, a podzakonskim aktima razrađuje se način obrade u okviru koji je propisan relevantnim zakonom.

Kada se podzakonskim aktima razrađuje određeni zakon, mora jasno postojati neophodnost da se takvim aktom detaljnije reguliše način obrade ličnih podataka koja je predmet relevantnog zakona.

Shodno navedenom, nadležni organi Kantona Sarajevo su dužni da utvrde neophodnost da se subjektima određenim Pravilnikom o izboru, imenovanju i razrješenju direktora osnovnih škola Kantona Sarajevo, dostavljaju prijave kandidata koji ispunjavaju uslove za direktora, te zakonitost propisivanja takve obrade ličnih podataka podzakonskim aktom.

S poštovanjem,

Dostavljeno:

- Naslovu,
- a/a.



Petar Kovačević